

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
JU «Pedagoški zavod Unsko-sanskog kantona»  
B I H A Ć

Na osnovu člana 20a. Zakona o radu („Službene novine Federacije BiH“, broj: 26/16, 89/18, 44/22 i 39/24), člana 4. i 7. Uredbe o postupku prijema u radni odnos („Službeni glasnik Unsko-sanskog kantona“, broj: 7/19 i 11/19), člana 9. i 9a. Pravilnika o radu JU Pedagoški zavod Unsko-sanskog kantona, broj: 02.4-25/16., 02.4-10/19. i 01-02-24/2021., a u skladu sa Odlukom privremenog Upravnog odbora JU Pedagoški zavod Unsko-sanskog kantona, broj: 01-02-20/2024. od 21.06.2024. godine, v.d. direktora JU Pedagoški zavod Unsko-sanskog kantona raspisuje

**JAVNI OGLAS  
za prijem u radni odnos**

JU Pedagoški zavod Unsko-sanskog kantona, Bihać, ulica Mehmedalije Maka Dizdara, bb 77000 Bihać, e-mail: pzusk@pzusk.ba, oglašava potrebu za zapošljavanjem radnika na neodređeno vrijeme za radno mjesto:

- Stručni savjetnik za stručno-pedagoški nadzor za razrednu nastavu ..... 1 (jedan) izvršilac.

**Opis poslova:**

1. neposredan uvid u rad nastavnika i stručnih saradnika;
2. učešće u radu komisija za sprovođenje stručnih ispita i ispita iz pedagoško-andragoške grupe predmeta;
3. pružanje stručne pomoći pri izradi godišnjih programa rada;
4. pripreme i predavanja na seminarima, skupovima prosvjetnih radnika, nastavničkim vijećima i stručnim aktivima;
5. praćenje stručne literature, metodike i stalnog stručnog usavršavanja – prisustvovanje na seminarima;
6. učešće u radu sjednica stručnog kolegija Zavoda;
7. saradnja sa nastavnicima, stručnim saradnicima i direktorima osnovnih škola;
8. izrada prijedloga koncepcija udžbeničke literature i ocjena kvalitete;
9. učešće u radu komisija za izradu propisa iz nadležnosti Zavoda;
10. planira, analizira i izvještava u pismenoj formi rukovodioca sektora i direktora Zavoda mjesečno, kvartalno, polugodišnje i godišnje o radu odgojno-obrazovnih ustanova te o svom radu;
11. prati odgojno-obrazovni proces u odgojno-obrazovnim ustanovama i predlaže mjere poboljšanja;
12. izrada analiza, izvještaja, informacija i drugih stručnih i analitičkih materijala na osnovu odgovarajućih podataka;
13. izrada elaborata, studija, programa, projekata, planova i procjena u određenoj oblasti, kao i projektnih zadataka za odgovarajuću oblast;
14. izrada metodologija (klasifikacija, nomenklatura i sl.) za odgovarajuću oblast;
15. pripremanje programa istraživanja u pojedinoj oblasti i predlaganje metodoloških rješenja, kao i rad na tim programima;
16. izrada odgovarajućih materijala kojima se vrši informiranje nadležnih organa o stanju i problemima u određenoj oblasti i predlaganje mjera radi utvrđivanja politike i mjera za uređivanje određenih pitanja kojima se osigurava potpuno provođenje utvrđene politike i izvršavanje zakona, drugih propisa i općih akata;
17. praćenje i proučavanje stanja i pojava u određenoj oblasti na osnovu prikupljanja podataka ili podataka koje dostavljaju drugi organi ili pravne osobe i obrađivanje tih podataka sa prijedlogom mjera za rješavanje utvrđenih problema;
18. izrada odgovarajućih planova i programa za obučavanje i osposobljavanje građana i drugih osoba u oblastima u kojima je zakonom predviđena ta obuka i realizacija tih planova i programa;
19. obavlja i sve ostale poslove i zadatke stručnog savjetnika za stručno-pedagoški nadzor utvrđene članom 7., stav 2. tačka 1-4. Odluke o osnivanju JU Pedagoški zavod USK-a;
20. obavlja i druge poslove koje mu direktor Zavoda stavi u nadležnost.

Stručni savjetnik za stručno-pedagoški nadzor za razrednu nastavu će poslove i radne zadatke obavljati u prostorijama JU Pedagoški zavod Unsko-sanskog kantona, odgojno-obrazovnim ustanovama Unsko-sanskog kantona i drugim lokacijama shodno poziciji poslova i radnih zadataka koje obavlja, a poslove i radne zadatke će obavljati u punom radnom vremenu u trajanju od 40 sati sedmično.

**Kandidati treba da ispunjavaju sljedeće opće uslove za prijem u radni odnos:**

- da su državljani Bosne i Hercegovine,
- da su stariji od 18 godina,
- da su zdravstveno sposobni,
- da se protiv njih ne vodi krivični postupak,
- da se na njih ne odnosi član IX.1. Ustava Bosne i Hercegovine.

**Pored općih uslova navedenih u javnom oglasu, kandidati treba da ispunjavaju i sljedeće posebne uslove:**

- VII stepen stručne spreme ili diploma visokog obrazovanja studija po Bolonjskom sistemu (najmanje 240 ECTS),
- završen nastavnički fakultet – smjer: razredna nastava,
- 10 godina radnog iskustva u odgojno-obrazovnoj struci poslije stjecanja diplome visokog obrazovanja,
- položen stručni ispit u struci.

**Uz prijavu na oglas koja mora biti poseban, potpisan, dokument od strane podnosioca, kandidati su dužni priložiti i sljedeću dokumentaciju:**

1. kraću biografiju sa kontakt podacima kandidata (poštanska adresa, e-mail adresa i kontakt telefon),
2. uvjerenje o državljanstvu,
3. izvod iz matične knjige rođenih,
4. ovjerenu izjavu kod nadležnog organa da se na njega ne odnosi član IX 1. Ustava Bosne i Hercegovine,
5. diplomu o stručnoj spremi,
6. uvjerenje o radnom iskustvu,
7. uvjerenje o položenom stručnom ispitu.

Pored navedene dokumentacije kandidati mogu dostaviti potvrde, uverenja i sl.kojima dokazuju da imaju prednost pri zapošljavanju u skladu sa članom 18. Uredbe o postupku prijema u radni odnos i članom 11c. Pravilnika o radu JU Pedagoški zavod Unsko-sanskog kantona.

Dokumentacija koja se podnosi uz prijavu mora biti u originalu ili u ovjerenj kopiji i ne smije biti starija od šest mjeseci.

**Postupak izbora kandidata vršit će se na osnovu razmatranja dokumentacije koja mora biti u originalu ili u ovjerenj kopiji te održanog pismenog ispita.**

Usmeni dio ispita provodi se samo u slučaju kada su dva ili više najuspješnijih kandidata ostvarili jednak broj bodova na pismenom dijelu ispita.

Kandidati čije prijave budu blagovremene i potpune biće pozvani na pismeni ispit.

Pismeni dio ispita je eliminatoran za kandidate koji na istom ne osvoje najmanje 50% od maksimalnog broja bodova koji se mogu osvojiti na ovom dijelu ispita.

Pitanja se određuju iz djelokruga rada radnog mjesta na koje se kandidat prijavio – podaci o poziciji na koju se kandidat prijavio i poznavanje propisa iz djelokruga rada radnog mjesta na koje se kandidat prijavio.

Materijale (propise) za pripremanje ispita kandidati mogu naći na web stranici JU Pedagoški zavod Unsko-sanskog kantona (pzusk.ba).

Ukoliko kandidati ne pristupe pismenom ili usmenom ispitu, smatrat će se da su odustali od prijave na Javni oglas.

U slučaju da nakon provođenja ispitnog dijela Javnog oglasa (pismeni i usmeni), neki od kandidata budu imali jednak broj bodova, prednost pri zapošljavanju će imati kandidat koji ima prioritet u zapošljavanju. Prioritet u zapošljavanju kandidati dokazuju odgovarajućim dokumentom (potvrda, uvjerenje i sl.) koje prilažu prilikom prijave na Javni oglas, pozivajući se na poseban zakon po kojem imaju prednost.

Po konačnosti odluke o izboru, prije zaključivanja ugovora, izabrani kandidat je dužan dostaviti:

- uvjerenje o zdravstvenoj sposobnosti;
- uvjerenje da se protiv njega ne vodi krivični postupak (ne starije od šest mjeseci).

Javni oglas će biti objavljen u dnevnim novinama „Oslobođenje“, na internet stranici „JU Pedagoški zavod Unsko-sanskog kantona“, Bihać i internet stranici JU „Služba za zapošljavanje Unsko-sanskog kantona“, Bihać.

Javni oglas ostaje otvoren 15 dana od dana objavljivanja u dnevnim novinama „Oslobođenje“.

Neblagovremene i nepotpune prijave neće biti razmatrane.

Prijavljeni kandidati će o rezultatima konkursa biti obaviješteni u roku od 3 (tri) dana od dana donošenja odluke o izboru.

V.d. direktora JU Pedagoški zavod Unsko-sanskog kantona zadržava pravo da poništi javni oglas u skladu s Pravilnikom o radu JU Pedagoški zavod Unsko-sanskog kantona.

Za sve dodatne informacije kandidati se mogu obratiti na broj telefona: 037/316-290.

Prijave sa dokazima o ispunjavanju uslova javnog oglasa dostaviti na adresu:

JU Pedagoški zavod Unsko-sanskog kantona  
- Komisija za provođenje javnog oglasa -  
(sa naznakom „NE OTVARAJ – PRIJAVA NA JAVNI OGLAS“)

Mehmedalije Maka Dizdara bb 77 000 B I H A Ć

v.d. Direktora

---

Nuho Kurtović, prof.